

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-20676/20
Sarajevo, 24.12.2020. godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14) i člana 14. Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.5.2018. godine i broj 02/12-45-8834/20 od 02.7.2020. godine, a na preporuku Komisije za javnu nabavku radova, Općinski načelnik donosi:

ODLUKU

o izboru najpovoljnijeg ponuđača u predmetu – Izvođenje radova na izgradnji novog spomen obilježja “Dobrinjska barikada”

I

Prihvata se preporuka Komisije za javnu nabavku radova i okvirni sporazum za javnu nabavku u predmetu – Izvođenje radova na izgradnji novog spomen obilježja “Dobrinjska barikada”, broj obavještenja 422-7-3-285-3-170/20, objavljeno na Portalu javnih nabavki dana 13.11.2020. godine, dodjeljuje se ponuđaču „Dinalsa“ d.o.o. Sarajevo sa ponudom u iznosu od 64.927,37 KM bez PDV-a, odnosno 75.965,02 KM sa PDV-om.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi okvirni sporazum i dostavi Općinskom načelniku na potpis.

III

Obavezuje se ponuđač iz člana I ove Odluke da u roku od 5 (pet) dana od dana zaprimanja iste, dostavi dokumente tražene u tački 3.1.3. tenderske dokumentacije koji se odnose na član 45. stav 2 tačka od a) do d) Zakona i dokumentaciju traženu u tački 3.3.2* tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti original ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

Obrazloženje

Odlukom broj 02/12-19-20676/20 od 11.11.2020. godine Općina Novi Grad Sarajevo pokrenula je konkurentski postupak javne nabavke - Izvođenje radova na izgradnji novog spomen obilježja “Dobrinjska barikada”, broj obavještenja 422-7-3-285-3-170/20, objavljeno na Portalu javnih nabavki dana 13.11.2020. godine. Procijenjena vrijednost nabavke iznosi 72.640,57 KM bez PDV-a, odnosno 85.000,00 KM sa PDV-om.

Zapisnikom o otvaranju ponuda od 27.11.2020. godine Komisija je konstatovala da su u predviđenom roku, u propisno upakovanim kovertama, pristigle tri (3) ponude ponuđača:

1. „Sela“ d.o.o. Sarajevo, 2. „Eko teh“ d.o.o. Sarajevo i 3. “Dinalsa” d.o.o. Sarajevo.

Nakon što je Komisija utvrdila da su pristigle tri ponude, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je utvrdila da ponuđač „Sela“ d.o.o. Sarajevo ne ispunjava kvalifikacioni uslov tražen Aneksom 3 -A lista ponuđenih ekvivalenata. Uvidom u dostavljenu dokumentaciju ponuđača koja se odnosi na ponuđene ekvivalente utvrđeno je da je ponuđač na strani br.17 ponude u listi ponuđenih ekvivalenata (Aneks 3-A) ponudio dvije pozicije i to: 1. 4K snimač – Dahua DHI NVR2104HS-P-S2 i 2. 4K kamera – Dahua DH-IPC-HFW1420S; Na stranicama numerisanim brojevima 18,19 i 20 je priložen tehnički list za ponuđeni 4K snimač, a na stranicama numerisanim 21, 22 i 23 je priložen tehnički list za ponuđenu 4K kameru.

Uvidom u dostavljene tehničke specifikacije ponuđenog proizvoda „Snimač“ konstatovano je da isti ne zadovoljava karakteristike tražene tenderskom dokumentacijom, kao što su između ostalog:

1. Maksimalna rezolucija displeja – traženo 3840x2160 ponuđeno 1920x1080;
2. Max.rezolucija snimanja – traženo 12 megapiksela ponuđeno 6 megapiskela.

Shodno navedenom, komisija je mišljenja da ponuđeni proizvod za stavku „Snimač“ ne predstavlja ekvivalent ili bolji proizvod u odnosu na karakteristike proizvoda utvrđene tenderskom dokumentacijom.

Iz naprijed navedenog razloga utvrđeno je da ponuđač „Sela“ d.o.o. Sarajevo ne ispunjava uslove tražene u tenderskoj dokumentaciji iz Aneksa 3 -A, odnosno Aneksa 3 – pozicija C, te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je pristupila analizi i procjeni preostalih ponuda, te utvrdila da dostavljene ponude ispunjavaju formalno-pravne i kvalifikacione uslove tražene u tenderskoj dokumentaciji i to ponude ponuđača: „Dinalsa“ d.o.o. Sarajevo i „Eko teh“ d.o.o. Sarajevo. Komisija je izvršila računsku kontrolu preostalih ponuda te utvrdila računsku grešku u ponudi ponuđača „Dinalsa“ d.o.o. Sarajevo na staniči 14. i 15. ponude, tako da ukupna cijena ponuđena za okvirni sporazum iznosi 72.816,36 KM bez PDV-a, odnosno 85.195,14 KM sa PDV-om. Ponuđač je dostavio saglasnost na ispravku računске greške broj 0705/20 od 07.12.2020. godine.

Shodno naprijed navedenom Komisija je utvrdila preliminarnu rang listu ponuđača, a prije provođenja e-aukcije, i to kako slijedi: 1. „Eko teh“ d.o.o. Sarajevo sa ponuđenom cijenom za okvirni sporazum u iznosu od 72.635,09 KM bez PDV-a i 2. „Dinalsa“ d.o.o. Sarajevo sa ponuđenom cijenom za okvirni sporazum u iznosu od 72.816,36 KM bez PDV-a.

Tenderskom dokumentacijom u tački 1.5.5. i 5.5. predviđeno je provođenje e-aukcije, te je u skladu sa Pravilnikom o uslovima i načinu korištenja e-aukcije („Službeni glasnik BiH“, br. 66/16) zakazano održavanje e-aukcije na Portalu javnih nabavki BiH za dan 17.12.2020. godine sa početkom u 10:00 sati. Nakon okončane e-aukcije za predmetnu nabavku, a na osnovu Izvještaja o toku i završetku e-aukcije broj postupka 422-7-3-285/20 od 17.12.2020. godine, Komisija je utvrdila da konačna rang lista ponuđača koji su učestvovali na e-aukciji izgleda kako slijedi:

1. „Dinalsa“ d.o.o. Sarajevo sa ponuđenom cijenom za okvirni sporazum u iznosu od 64.927,37 KM bez PDV-a;
2. „Eko teh“ d.o.o. Sarajevo sa ponuđenom cijenom za okvirni sporazum u iznosu od 65.000,00 KM bez PDV-a.

U skladu sa članom 8. stav (3) Pravilnika o uslovima i načinu korištenja e-aukcije izvršeno je umanjeње za svaku poziciju tehničke specifikacije za procenat koji iznosi konačno procentulno umanjeње cijene postignute nakon e-aukcije, tako da ponuda ponuđača „Dinalsa“ d.o.o. Sarajevo iznosi 64.927,37 KM bez PDV-a, odnosno 75.965,02 KM sa PDV-om, o čemu je ponuđač dostavio saglasnost broj 0737/20 od 18.12.2020. godine.

Komisija je shodno navedenom dala preporuku za zaključenje okvirnog sporazuma sa prvograngiranim ponuđačem nakon provedene e-aukcije „Dinalsa“ d.o.o. Sarajevo.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za rmatranje žalbi BiH putem ugovornog organa u roku od 5 (pet) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis

Općinski načelnik
mr. Semir Efendić

